



TOPLANE SARAJEVO DISTRICT HEATING SYSTEM

KANTONALNO JAVNO KOMUNALNO PREDUZEĆE ZA
PROIZVODNJU I DISTRIBUCIJU TOPLOTNE ENERGIJE d.o.o.

UPRAVA

Broj: 03-03-01-403-0404/17
Sarajevo, 28.04.2017. godine

Na osnovu člana 69. stav 1. tačka b) i člana 70. stav 1., 4. i 6. Zakona o javnim nabavkama Bosne i Hercegovine („Službeni glasnik BiH“, broj 39/14), Pravilnika o postupku nabavke broj: PR/SN/01 od 24.02.2015. godine, cijeneći navode žalbe žalitelja „MMCC“ d.o.o. Sarajevo, poništava se postupak javne nabavke, u postupku javne nabavke KP 08/17 – Nabavka računara, direktor donosi:

ODLUKU

- o poništenju postupka javne nabavke -

NABAVKA RAČUNARA

Član 1.

Poništava se postupak javne nabavke KP 08/17 – Nabavka računara.

Član 2.

Za izvršenje ove odluke zadužuje se i ovlašćuje Služba nabavke.

Član 3.

Ova odluka će biti objavljena na web-stranici www.toplane-sa.co.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 03-03-01-265/17 od 24.03.2017. godine.

Javna nabavka je provedena putem **konkurentskog zahtjeva za dostavu ponuda**.

Procijenjena vrijednost javne nabavke bez uračunatog PDV-a je 43.000,00 KM.

Obavještenje o nabavci broj: 160-7-1-64-3-21/17 poslato je na objavu dana 27.03.2017. godine, a objavljeno je na Portalu javnih nabavki dana 27.03.2017. godine.

Zahtjev za dostavu ponuda je upućen sljedećim ponuđačima, istovremeno sa slanjem obavijesti na Portal javnih nabavki:



1. „PRINTEX“ d.o.o. Sarajevo
2. „R&S“ d.o.o. Sarajevo
3. „MMCC“ d.o.o. Sarajevo
4. „TIME CODE“ d.o.o. Sarajevo

Komisija za javnu nabavku imenovana je Odlukom broj: 03-03-01-266/17 od 24.03.2017. godine.

Nakon isteka roka za podnošenje ponuda, putem protokola, u zatvorenim kovertama pristigle su 4 (četiri ponude):

5. „PRINTEX“ d.o.o. Sarajevo
6. „PRO COMP“ d.o.o. Zenica
7. „MMCC“ d.o.o. Sarajevo
8. „EXCLUSIVE“ d.o.o. Zenica / PJ Sarajevo

Nakon provedenog prikupljanja, otvaranja i ocjene prihvatljivih ponuda, ugovorni organ je donio Odluku o izboru najpovoljnijeg ponuđača broj: 03-03-01-371/17 od 20.04.2017. godine kojom je ugovor za nabavku računara dodjeljen ponuđaču „PRINTEX“ d.o.o. Sarajevo.

Po prijemu navedene odluke, ponuđač „MMCC“ d.o.o. Sarajevo je uložio žalbu od 25.04.2017. godine, koja je kod ugovornog organa zaprimljena 25.04.2017. godine.

Po zaprimanju žalbe, ugovorni organ je postupajući po odredbama člana 100. Zakona o javnim nabavkama, ocijenio da je žalba blagovremena, dopuštena, izjavljena od strane ovlaštenog lica i dostavljena u dovoljnom broju primjeraka.

1. Žalitelj u svojoj žalbi navodi da izabrani ponuđač, u svojoj tehničkoj specifikaciji za radnu stanicu, nije naveo podatak da je uključen „instalacijski medij“ za MS Office Home and Business 2016, što se može smatrati djelimično osnovanim navodom. Prilikom evaluacije ponuda Komisija za javnu nabavku je zauzela stav da je „instalacijski medij“ ponuđen iz razloga što je izabrani ponuđač uredno popunio i ovjerio Aneks 3a tenderske dokumentacije i na taj način potvrdio da nudi robu u skladu sa minimalnim tehničkim zahtjevima pa tako i „instalacijski medij“.
2. Žalitelj u svojoj žalbi navodi da izabrani ponuđač za radnu stanicu u svojoj tehničkoj specifikaciji nije naveo podatak da su uključeni pripadajući kablovi za monitor, što smatramo neosnovanim navodom. Izabrani ponuđač je dostavio tehnički specifikaciju proizvođača opreme koju nudi na kojoj je jasno navedeno da se ponuđeni monitor isporučuje sa svim kablovima koji zadovoljavaju minimalne tehničke zahtjeve iz tenderske dokumentacije.
3. Žalitelj u svojoj žalbi navodi da u dostavljenom datasheet-u proizvođača za laptop u ponudi izabranog ponuđača nije naveden proizvođački „PN“ ili neki drugi oblik „kataloške identifikacije“, što nije ni traženo minimalnim zahtjevima tenderske dokumentacije, što smatramo neosnovanim navodom. Izabrani ponuđač je dostavio detaljnu tehničku specifikaciju ponuđenog laptopa Dell Vostro 3568 koja nedvosmisleno određuje koje će komponente biti isporučene kao sastavni dio istog, a što je u potpunosti u skladu sa minimalnim tehničkim zahtjevima tenderske dokumentacije.



Imajući u vidu da je jedan od žalbenih navoda djelimično osnovan, primjenjujući član 100. stav 3. Zakona o javnim nabavkama, ugovorni organ postojeću odluku broj: 03-03-01-371/17 od 20.04.2017. godine stavlja van snage i poništava postupak javne nabavke KP 08/17 – Nabavka računara.

Iz navedenih razloga, primjenom člana 69., tačka 1., stav b.) u skladu sa Zakonom o javnim nabavkama i Pravilnika o postupku nabavke broj: PR/SN/01 od 24.02.2015. godine, odlučeno je kao u članu 1. ove odluke.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Direktor


Admir Džubur

Dostaviti:

1. Ponuđaču: PRINTEX d.o.o. Sarajevo
2. Ponuđaču: MMCC d.o.o. Sarajevo
3. Ponuđaču: PRO COMP d.o.o. Zenica
4. Ponuđaču: EXCLUSIVE d.o.o. Zenica / PJ Sarajevo
5. Službi nabavke